

Եպիսկոպոսութեան առ ժամանակ մի լռեցուցեալ, որպէս եւ յայդր, զի զինչ պատիւ Եպիսկոպոսինս եւ յետ այլոց բանից ասէ, եթէ Տէր կամեսցի գտեալ զմիմեանս արտաքոյ Երուսաղէմիդ համբուրեսցուք եւ ցաւակցեսցուք, ոչ եթէ իշխանութեան և փառաց ցանկանալով ձեռն արկի յայս պաշտօն, այլ միայն գիտասցի թէ 'ի մէջ այլոց ազգաց կարեմք Աստուծով երեւիլ և անուանիլ, եւս եւ ազատ մնալ 'ի Բ-ի-ի-ի-ի ազգին և 'ի նենգապատիր խարդախանաց սուտ եղբարց, Յետ և այլ բազում գանկատանաց դարձեալ խնդրէ զ10,000 դահեկանն, ոյր 'ի պատասխանի գրեն Սորհրդականք, առաքել նախ զմուրհակն եւ ապա առնուլ զդրամն. թէպէտ նա զայրացաւ առ այս, զի ընդդէմ էր օրինաց, բայց առաքեաց զայն 'ի Յովպէ առ Թարգմանն Անգղիոյ առնուլ զդրամն 'ի Տեսչէ տեղւոյն և տալ զմուրհակն : Եւ զի ինքն յորդորմամբ ոմանց եղեալ էր 'ի մտի հրաժարիլ 'ի պաշտօնէ իւրմէ և մեկնիլ անտի, առաւել վստահացեալ 'ի գիրս նոցա՝ գնաց 'ի Պերութ եւ ձեռնտուութեամբ բարեկամաց իւրոց յաջողեցաւ թողուլ զպաշտօնն զայն : Ահա ընկալաւ գիր յԵրուսաղէմէ հակառակ առաջին գրութեան, խոստանային հատուցանել նմա ամ յամէ 1500 դահեկան շահ գրամոց նորին, եւ հրաւիրէին զինքն գալ մնալ յԵրուսաղէմ. և Յակոբ Եպիսկոպոս յառաջագոյն գրեալ էր առ Սորհրդականս հատուցանել զգումարն յազատութիւն երկուց կողմանց, զի դադարեսցին բանք և գրութիւնք, եւ խոստացեալ էր պահել առ իւր զԴիոնէսիոս շահիւ նոյն գրամոյ, այլ 'ի չ'յաջողիլ գործոյն արար Դիոնէսիոս պատասխանի. տեսեալ թէ այլ և այլ պատճառանօք երկարեն զժամանակն, միթէ ես միաջին էի թշնամի Գարրիէլ Պատրիարքին, միթէ ի՞նչ ընդդիմացաւ, այլ որ արարն տացէ զպատասխանին, շնորհակալեմ զհրաւիրմանէ ձերմէ զմեզ, բայց գիտէք, թէ ոչ կարեմ գալ և մնալ յԵրուսաղէմ որով կերպիւ և իցէ, միթէ հնա՞ր իցէ մարդոյ յանձուկ յորովայն մօր իւրոյ մտանել եւ մեռանիլ, չէ այդ մահ վասն Աստուծոյ արքայութեան և հաւատոյ, այլ յիմարաբար կրել զվիշտս 'ի պարտատեարց, բռնապահանջ յանողորմից, և յազգէն, և յազգաց և 'ի սուտ եղբարց, որոց կատարածն յուսահատու-